

### XXXIII. IGANDEA ASTEAN ZEHAR (A)

#### Otoitza

Jainko gure Jauna, emaguzu Zuri beti pozik zerbitzu egitea;  
on guztien egile Horren zerbitzuan bizitzea baita guretzat  
egiazko zorion betea.  
Zure Seme Jesu Kristo.

I. IRAKURGAIA: Es Za 31, 10-13. 19-20. 30-31

*Eskulanetan trebe ariko da.*

Esaera Zaharren liburutik

Nork aurki lezakeen etxeoandre ona!  
Harribitxiena baino handiago da haren balioa.  
Harengan du uste on senarraren bihotzak;  
eta ez da harekin galduan aterako.  
Bizitzako egun guztietan,  
emango dio onik asko, txarrik ez.  
Artilea eta linoa eskuratuko ditu,  
eta eskulanetan trebe ariko da.  
Lotzen dio eskua linaiairi,  
eta eragiten diote haren behatzek ardatzari.  
Ez duenari zabaltzen dio eskua,  
eta behartsuari luzatzen besoa.  
Gezurtia da liraintasuna, iheskorra edertasuna,  
goresgarria, ordea,  
Jaunaren beldur den etxeoandrea.  
Goretsazue bere eskulanengatik,  
eta haren egiteak izan bitez haren goresgarri  
herriko ateetan.

ERANTZUN SALMOA: Sal 127, 1-2. 3. 4-5

**R/. Dohatsu, Jaunaren beldur dena!**

Dohatsu, Jaunaren beldur dena,  
Haren bideetan dabilena!  
Zure eskuen lana baituzu jango,  
zoriontsu izango zara eta ongi zaizu joango. R/.

Zure emaztea mahasti emankorraren antzean,  
zure etxe barnean;  
zure seme-alabak badirudite olio-kimuak,  
zure mahai inguruan. R/.

Begira, hala izango da bedeinkatua gizona,

Jaunari beldur diona.  
Jaunak Siondik bedeinka zaitzala,  
Jerusalen dohatsu ikusiz beti bizi zaitzezela. R/.

## II. IRAKURGAIA: 1 Ts 5, 1-6

*Ez zaitzatela Jaunaren egunak  
lapurrak bezala harrapa.*

San Paulo Apostoluak Tesalonikarrei

Senideok: Noiz eta nola izango denik, ez duzue nik idatzi beharrik; zeuek dakizue aski ongi, Jaunaren eguna lapurra gauzez bezala etorriko dela.

«Bakea eta lasaitasuna» esaten ari direnean, orduan, ustekabeen etorriko zaie hondamendia gainera, haurdun dagoenari erdiminak bezala; eta ez dute ihes egiterik izango. Zuek, ordea, senideok, ez zarete ilunbetan bizi, egun horrek lapurrak bezala harrapatzeko zorian; guztiok argiaren eta egunaren seme-alaba zarete. Ez gara gauarenak, ez ilunarenak. Beraz, ez dezagun lorik egin besteek bezala; gauden erne, eta izan gaitezen neurritsu.

EBANJELIOA: Mt 25, 14-30

**Aleluia:** Jn 15, 4a. 5b

R/. Aleluia.

V/. Zaudete Niregan eta Ni zuengan —dio Jaunak—;  
Niregan dagoenak fruitu asko ematen du. R/.

*Irakurgaia laburragoa egin nahi bada, [ ] kako artean ematen diren zatiak utz daitezke.*

*Gutxian zintzo izan zarelako,  
sar zaitetz zeure nagusiaren pozetara.*

Jesu Kristoren Ebanjelioa San Mateoren liburutik

Aldi hartan, Jesusek parabola hau esan zien bere ikasleei: «Gizon batek, urrutira joaterakoan, bere morroiei dei egin eta bere ondasunak utzi zizkien. Bati bost talentu eman zizkion; beste bati bi; beste bati bakarra: bakoitzari bere trebetasunaren arabera. Eta gero joan egin zen. [ Bost talentu hartu zituen, haiekin lanean hasi zen berehala, eta beste bost irabazi zituen. Bi hartu zituenak ere berdin egin zuen, eta beste bi irabazi zituen. Bat hartu zuenak, ordea, lurtean zulo bat egin eta han gorde zuen bere nagusiaren dirua. ]

Handik luzarora, etorri zen morroi haien nagusia, eta kontuak garbitzen hasi zitzaien.

Hurbildu zen bost talentu hartu zituen, eta beste bost eraman zizkion, esanez: "Jauna, bost talentu utzi zenizkidan; begira, beste bost irabazi ditut". Nagusiak esan zion: "Ederki, morroi zintzo eta leiala! Gutxian zintzo izan zarelako, askoren buruzagi egingo zaitut; sar zaitetz zeure nagusiaren pozetara".

[ Hurbildu zen bi talentu hartu zituen, eta esan zion: "Jauna, bi talentu utzi zenizkidan; begira, beste bi irabazi ditut". Nagusiak esan zion: "Ederki, morroi zintzo eta leiala! Gutxian zintzo izan zarelako, askoren buruzagi egingo zaitut; sar zaitetz zeure nagusiaren pozetara".

Azkenean hurbildu zen talentu bat hartu zuena, eta esan zion: "Jauna, banekien gizon zorrotza zinela; erin ez duzun tokian igitaitzen duzuna, eta zabaldu ez duzun tokian...

beldurrez joan nintzen, eta lurpean gorde nuen zure talentua. Hor duzu zeurea!"  
Nagusiak erantzun zion: "Morroi gaizto eta alferra! Bazenekien, beraz, nik, erein ez dudan tokian igitaitzen dudala, eta zabaldu ez dudanean biltzen. Horregatik nire dirua dirulariei utzi behar zenien, nik, etortzean, irabazi eta guzti jaso nezan. Ken iezaiozue talentu hori, eta eman hamar dituenari. Duenari eman egingo baitzaio, eta gainezka izango du; ez duenari, berriz, duen hura ere kendu egingo zaio. Eta morroi alfer huts hori bota kanpoko ilunbeetara. Han izango da negarra eta hortz karraska!"»]

### **Oparigaien gainekoa**

Atzegin bekizu, Jauna, gure eskaintza:  
bete gaitzala Zuganako maitasunez  
eta ekar diezagula betiko biziaren zoriona.  
Jesu Kristo.

### **Jaunartze ondorengoa**

Zure dohain santuak harturik,  
apalik eskatzen dizugu, Jauna:  
zure Semeak bere oroigarri egiteko agindu digun Eukaristia honek  
ugal dezala gugan maitasuna.  
Jesu Kristo.